

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA ILIJAŠ
OPĆINSKI NAČELNIK**



**BOSNIA AND HERZEGOVINA
FEDERATION OF BOSNIA AND HERZEGOVINA
CANTON SARAJEVO
Municipality of Ilijaš
MAYOR OF MUNICIPALITY**

Služba za privredu i finansije

**INFORMACIJA
IZ OBLASTI ŠUMARSTVA**

Ilijaš, Maj 2019. godine

UVOD

Informacija o stanju u oblasti šumarstva na području općine Ilijaš za 2018. godinu je zasnovana na podacima korisnika šuma: Ministarstva privrede Kantona Sarajevo – Uprave za šumarstvo i KJP "Sarajevo-šume" doo Sarajevo .

Zakonom o šumama Kantona Sarajevo ("Službene novine Kantona Sarajevo br: 5/13) je uređeno planiranje i privređivanje u šumarstvu, šume i šumsko zemljište sa posebnim režimom gospodarenja, zaštita šuma i njihova funkcija, upravljanje šumama, katastar šuma i ekonomske funkcije šuma. Korisnici šuma prema navedenom zakonu su Kantonalno javno preduzeće za gospodarenje državnim šumama "Sarajevo-šume", Kantonalna javna ustanova za zaštićena prirodna područja Kantona Sarajevo i pravna i fizička lica koja su upisana kao vlasnici šuma.

Funkciju upravljanja šumama, provođenje administrativno-upravnih poslova, kreiranje i provođenje jedinstvene šumarske politike u sastavu Ministarstva privrede Kantona Sarajevo obavlja Uprava za šumarstvo Kantona Sarajevo .

Državnim šumama i šumskim zemljištem na području Kantona Sarajevo upravlja Ministarstvo privrede Kantona Sarajevo. Ministarstvo privrede ugovorom prenosi poslove gospodarenja državnim šumama na KJP "Sarajevo-šume" izuzev šuma koje su posebnim propisom povjerene na upravljanje KJU za zaštićena područja. Privatnim šumama upravljaju i gospodare njihovi vlasnici u skladu sa Zakonom o šumama Kantona Sarajevo, podzakonskim propisima i odredbama šumsko-privredne osnove.

Korisnik državnih šuma je dužan plaćati naknadu za korištenje šuma u visini od 6 % od ostvarenog prihoda od drveta računajući cijenu drveta na panju i prihoda ostvarenog od nedrvnih šumskih proizvoda, najviše 10 % od cijene na panju posječenih šumskih drvnih sortimenata. Naknada se uplaćuje u iznosima: 1,0 % na depozitni račun Kantona Sarajevo i 5,0 % na depozitni račun Budžeta općine na čijem području se ostvario prihod tromjesečno i po završnom godišnjem računovodstvenom izvještaju.

Između općine Ilijaš i JKP "Sarajevo-šume" doo Sarajevo na snazi je Sporazum o načinu izmirenja duga po osnovu naknade za korištenje državnih šuma za 2018. godinu u iznosu od 240.946,65 KM. Sporazum se realizuje u deset mjesečnih rata i to 9 mjesečnih rata u iznosu od po 24.094,66 i jedne mjesečne rate u iznosu od 24.094,71 KM. Uplate po Sporazumu se vrše shodno utvrđenoj dinamici.

1. Državne šume

Državnim šumama shodno zakonskim rješenjima gospodari Kantonalno privredno društvo KJP "Sarajevo-šume" doo Sarajevo.

Iz dostavljenih podataka Društva vidljivo je slijedeće:

- Eksploatisana količina drveta u m3
- Broj radne snage i plate uposlenika ,
- Ulaganje u šumsku infrastrukturu
- Finansijske obaveze za eksploatisane količine
- Ulaganje u lokalnu infrastrukturu
- Kratka vizija poslovanja za naredni period
- Problematika rada KJP "Sarajevo-šuma" u segmentima u kojima bi OV i Općinski načelnik mogli pomoći u narednom periodu.

2. Šume u privatnom vlasništvu

U skladu sa Zakonom o šumama u Kantonu Sarajevo (Sl. "Novine KS " br: 5/13) privatnim šumama upravljaju njihovi vlasnici, a Ministarstvo privrde Kantona Sarajevo putem Uprave za šumarstvo obavlja stručne poslove u pogledu gospodarenja šumama.

Obavljanje navedenih poslova na području općine Ilijaš je povjereno Odjeljenju Ilijaš, koje u skladu sa Zakonom vrši neposrednu zaštitu privatnih i državnih šuma i šumskog zemljišta od bespravnog prisvajanja i korištenja, šumskih požara i drugih elementarnih nepogoda, biljnih bolesti i štetočina kao i drugih protivzakonitih radnji.

U prilogu je dat Izvještaj o aktivnostima Uprave za šumarstvo Kantona Sarajevo na području općine Ilijaš i KJP "Sarajevo- šume" doo Sarajevo.




Bosnia and Herzegovina
Federation of Bosnia and Herzegovina

CANTON SARAJEVO

Ministry of Economy

Broj: 07-06-26-9989-1/19
Sarajevo, 17.04.2018.godine



OPĆINA ILIJAŠ
Služba za privredu i finansije
Ul. 126. Ilijaške brigade broj: 6
71.380 Ilijaš

PREDMET: Dostava Informacije o aktivnostima Uprave za šumarstvo


U prilogu akta dostavljamo Vam Informaciju o aktivnostima Uprave za šumarstvo Kantona Sarajevo na području općine Ilijaš za 2018. godinu.

S poštovanjem,

Dostavljeno :

- Naslovu
- a/a

MINISTAR
mr. sci. Haris Basic



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede



Босна и Херцеговина
Федерација Босне и Херцеговине
КАНТОН САРАЈЕВО
Министарство привреде

Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

INFORMACIJA
O AKTIVNOSTIMA UPRAVE ZA ŠUMARSTVO KANTONA
SARAJEVO NA PODRUČJU OPĆINE ILIJAŠ
ZA 2018. GODINU

Sarajevo, april 2019. godine

1. Šumarska legislativa

U Federaciji BiH krajem 2009. godine usvojena je Uredba o šumama („Službene novine FBiH“, broj: 83/09). Razlog donošenja Uredbe o šumama je presuda Ustavnog suda Federacije BiH o povrijeđenosti prava lokalne samouprave na upravljanje šumskim resursima koja nisu bila obuhvaćena Zakonom o šumama iz 2002. godine. Kako i Uredba o šumama nije donešena u skladu sa zakonskim propisima, Ustavni sud Federacije BiH donio je presudu 06.06.2011. godine da se ista može primjenjivati sa rokom od šest mjeseci odnosno do 06.12.2011. godine. Primjena navedene Uredbe o šumama se mogla provoditi samo kao prijelazno rješenje dok se zakonom ne uredi ova materija. Ovakvo stanje imalo je negativne posljedice u poslovima upravljanja i gospodarenja šumskim resursima na području Kantona Sarajevo.

Shodno navedenom, a u cilju provođenja poslova na adekvatnoj zaštiti i čuvanju te gospodarenju šumskim resursima, Ministarstvo privrede je pokrenulo postupak izrade Nacrta Zakona o šumama Kantona Sarajevo.

Vlada i Skupština Kantona Sarajevo su usvojili ponuđeni Nacrt, a po okončanju Javne rasprave i Prijedlog zakona. Usvojeni Zakon o šumama Kantona Sarajevo objavljen je u „Službenim novinama Kantona Sarajevo“ broj: 5/13 od 07.02.2013. godine.

Kako bi se spriječio bespravni promet ogrijevnog drveta, te lica koja se bave preradom istog stavila po nadzor donesen je Pravilnik o dopuni pravilnika o načinu žigosanja, obrojčavanja, premjeravanja, sadržaju i načinu izdavanja otpremnog iskaza za drvo. Naime, Pravilnikom je definisano da za djelimično prerađeno ogrijevno drvo namijenjeno za široku potrošnju cjepanjem na ogrijevno drvo u cjepanicama, oblicama, ćutucima i sitno cijepano drvo otpremni iskaz izdaje pravno ili registrovano fizičko lice koje je izvršilo preradu. Istim pravilnikom propisan je izgled i sadržaj obrasca otpremnog iskaza.

2. Organizacija Uprave

Usvojenim Pravilnikom o unutrašnjoj organizaciji Ministarstva privrede Kantona Sarajevo iz 2016. godine, Uprava za šumarstvo koja je u sastavu Ministarstva privrede u organizacijskom pogledu se sastoji od tri odjeljenja sa sistematizovana 62 radna mjesta. Jedno od odjeljenja je i odjeljenje Sjever, koje obuhvata područja općina Ilijaš, Vogošća, Centar i Stari Grad, sa planiranih 22 uposlenika (VSS-2; SSS-20). Trenutno je angažovano 19 (VSS-1; SSS-18). Na poslovima čuvanja i zaštite državnih šuma i šumskog zemljišta je planirano 16 namještenika. Trenutno poslove čuvanja i zaštite državnih šuma i šumskog zemljišta obavlja 15 čuvara šuma.

Na području Kantona Sarajevo šume i šumsko zemljište zauzimaju površinu od 83.088,28 ha, od toga u privatnom vlasništvu 12.252,08 ha a u državnom 70.836,20 ha. Ukupna površina šuma i šumskog zemljišta na području opštine Ilijaš iznosi 16.249 ha, od čega je 12.026 ha u državnom vlasništvu, a 4.223 ha su šume u vlasništvu privatnih lica.

Potrebno je istaći da se poslovi gospodarenja u privatnim i državnim šumama provode na osnovu izrađenih šumskogospodarskih osnova (ŠGO). Za državne šume ŠGO "Gornjebosansko" i ŠGO "Bistričko" koje obuhvataju i područje općine Ilijaš, period važnosti je 01.01.2013. - 31.12.2022. godine za ŠGO "Gornjebosansko" i 01.01.2015. - 31.12.2024 za

ŠGO "Bistričko". Kada su u pitanju ŠGO za privatne šume na području Kantona Sarajevo iste su izrađene sa periodom važnosti 01.01.2008. - 31.12.2017.godine i to u administrativnim granicama za pojedine općine. Kako iste nisu u predviđenom roku do kraja 2017. godine izrađene od strane izvođača radova "BH-šume", u toku 2018. godini doznaka drvne mase za općine u administrativnim granicama su planirane na osnovu Godišnjeg plana gospodarenja.

3. Bespravne sječe i podnesene prijave

Najveći problem u provođenju mjera zaštiti šuma na području općine Ilijaš predstavljaju pojave bespravnih sječa, te bespravni transport šumskih drvnih sortimenata. Ovom problemu se najviše pridavao zanačaj, te u saradnji sa predstavnicima MUP-a provedene su mjere pojačane kontrole na lokalnim putnim pravicima, te izuzimanju drvne mase bez potrebne dokumentacije koja je u fazi transporta kontrolisana. Bespravni transport posječenE drvnE masa se obavljao putem raznih prevoznih sredstava počev od upotrebe osobnih automobila, traktora, kamiona te vozila posebno opremljenih za ove aktivnosti. Pripadnici MUP-a po članu 24. stav 6. Zakona o šumama Kantona Sarajevo mogu jedino vršiti privremeno oduzimanje sredstava kojima je izvršena nezakonita radnja. U većini slučajeva radi se o sredstvima koja su tehnički neispravna i neregistrovana, a lica koja vrše upravljanje navedenim sredstvima ne posjeduju vozačku dozvolu. Neophodno je istaći da se radi o licima koja su povratnici u činjenju navedenih radnji.

Navedene bespravne aktivnosti (sječa i transport drvne mase) dešavaju se u poslijepodnevnim i noćnim satima, te u danima vikenda i praznika. Nisu rijetki slučajevi fizičkih napada na službena lica—čuvare šuma, kao i stalne verbalne prijetnje. Područja koja su najizraženija po obimu bespravnih sječa u odjeljenju za područje općine Ilijaš su lokaliteti: Visojevica i Ozren tj. pogranični dio sa entitetom RS i šire područje oko grada Ilijaša.

3.1. Bespravne sječe

Ukupna evidentirana bespravna sječa u odjeljenju Sjever iznosi 2.464 m³ (četinara 1.074 m³ i lišćara 1.390 m³) od toga u državnim šumama 991 m³ (četinara 468 m³ i lišćara 523 m³), a u privatnim 1.473 m³ (četinara 606 m³ i 867 m³ lišćara).

Ukupna evidentirana bespravna sječa na području općine Ilijaš za period januar-decembar 2018. godine iznosi 1.552 m³ od toga u državnim šumama 760 m³ (četinara 445 m³ i lišćara 315 m³), a u privatnim 792 m³ (četinara 523 m³ i lišćara 269 m³). (Tabela br. 1)

3.2. Podnesene prijave

U periodu 01.01-31.12.2018. godine u odjeljenju Sjever podneseno je 224 prijave u količini od 999 m³ i to 3 krivične u državnim šumama u količini od 57 m³ i 1 krivična u privatnim šumama u količini od 3 m³ i 208 prekršajnih prijava u količini od 939 m³ (u privatnim šumama 116 prijava drvne mase 782 m³ i državnim šumama 92 prijave sa drvnom masom od 157 m³), te 12 prekršajnih prijava za uzurpaciju državne šume i šumskog zemljišta.

Na području općine Ilijaš ukupno su podnesene 73 prijave ukupne drvne mase 655 m³ i to 1 krivična prijava sa drvnom masom 31 m³ (u državnoj šumi) i 72 prekršajne prijave drvne

mase 624 m³ (državnim šumama 32 prijave drvene mase 49 m³ i u privatnim šumama 40 prijava sa drvnom masom 575 m³). (Tabela br. 2) Od ukupnog broja prekršajnih prijava (72 prijava), 52 prijave je sačinjeno za lica koja su uhvaćena na licu mjesta u sječini drvene mase 591 m³ (17 prijava u državnim šumama drvene mase 23 m³ i 35 prijava u privatnim šumama drvene mase 568 m³) i 20 prijava u transportu drvene mase 32 m³ od kojih je 15 iz državnih, a 5 iz privatnih šuma.

Ukupna izuzeta i predata drvna masa KJP "Sarajevo-šumama" u odjeljenju Sjever iznosi 200 m³, a na području općine Ilijaš 143 m³.

4. Zahtjevi za sječu i doznačena drvna masa

U toku 2018. godine u odjeljenju Sjever ukupan broj podnesenih zahtjeva za sječu u privatnim šumama iznosio je 120. Ukupno su riješena 117 zahtjeva, od toga je odobrena sječa putem Rješenja za sječu 88 zahtjeva, za 5 zahtjeva izdato Rješenje o odbijanju a 24 zahtjeva je Zaključkom obustavljen postupak. U 2019. godinu preneseno je 2 podnesena zahtjeva za sječu u privatnim šumama. U odjeljenju Sjever doznačeno je 2.965 m³ drvene mase (četinara 2054 m³ i 911 m³ lišćara), a otpremljeno 2.541 m³ (četinara 1818 m³ i lišćara 723 m³)

Na području općine Ilijaš zaprimljeno je 86 zahtjeva za sječu u privatnim šumama, a koji su riješeni u toku 2018. godine. Od riješenih zahtjeva za 69 je izdato Rješenje za sječu, za 3 zahtjeva izdato Rješenje o odbijanju i 14 Zaključaka o obustavljanju postupka. U navedenom periodu na području općine Ilijaš izvršena je doznaka u količini od 2.402 m³ drvene mase (četinara 2.054 m³ i 911 m³ lišćara), a otpremljeno 2.203 m³ (četinara 1.526 m³ i 677 m³ lišćara).

5. Nelegalne rezne jedinice

Zajedničkom akcijom sa Federalnom šumarskom inspekcijom i uz asistenciju uposlenika PS Ilijaš nelegalne rezne jedinice su zapečaćene ili su iste uklonjene neposredne pred izlazak federalne inspekcije što je u značajnoj mjeri uticalo na smanjenje obima bespravnih sječa četinarskog drveta.

6. Realizacija projekata koje je finansiralo Ministarstvo privrede-Uprava za šumarstvo

U skladu sa "Programom utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2018. godini" na području općine Ilijaš je predviđena realizacija 9 projekata ukupne vrijednosti 779.298,09 KM.

Projekti po vrsti radova:

6.1. Pošumljavanje sa (ili bez) pripreme terena

- G.J."Gornja Ljubina"- odjel 47/d površine 0,35 ha, u vrijednosti 1.794,82 KM

6.2. Čišćenje kultura

- G.J."Donja Ljubina"- odjel 28/b površine 2,59 ha, u vrijednosti 5.859,23 KM

6.3. Čišćenje i popunjavanje kultura

- "Gornja Ljubina"- odjel 65/b površine 2,36 ha, u vrijednosti 7.881,32 KM,
- "Gornja Ljubina"- odjel 66/f površine 2,73 ha, u vrijednosti 10.167,27 KM,
- "Gornja Ljubina"- odjel 101/b površine 2,95 ha, u vrijednosti 15.650,45 KM,

6.4. Prorede u kulturama

- "Gornja Misoča"- odjel 54/c površine 0,94 ha, u vrijednosti 17.945,00 KM.

Realizaciju navedenih radova je provodilo KJP "Saraejvo- šume" uz angažovanje povremene radne snage.

6.5. Projekti koji su predviđeni za realizaciju u 2018. godini, a nisu realizovani :

- asfaltiranje šumskog puta za naselje Korita - I faza dužine 2,00 km u iznosu od 275.000,00 KM.
- asfaltiranje šumskog puta Gornja Misoča - Zenik I faza dužine 2,00 km u iznosu od 275.000,00 KM.
- nastavak sanacije i rekonstrukcije šumskog puta Gajevi - Dragoradi dužine 0,60 km u iznosu od 170.000,00 KM.

Ukupan iznos za puteve na području Općine Ilijaš iznosi 720.000,00 KM.

Napomena: Projekti su aneksirani za 2019. godinu.

6.6. Projekti koji su realizovani u 2018. godini, a njihova realizacija je započeta u 2017. godini:

U 2018. godini po sporazumu sa Općinom Ilijaš iz 2017. godine okončana je realizacija projekata sanacije, rekonstrukcije i asfaltiranja puteva na području općine Ilijaš:

- rekonstrukcija šumskog puta "Gajevi - Spahin Han", dionica raskršće za Sabanke – skretanje za Sudiće (Klancina Luka)" dužine 1,80 km u iznosu od 550.000,00 KM, realizovana i plaćeno 399.181,76 KM,
- sanacija oštećenja na šumskom putu kroz naselje "Moševiče" i izrada potpornog zida ili postavljanje betonskih gabina u dužini od 40 m" dužine 0,40 km u iznosu od 50.000,00 KM, realizovana i plaćeno 35.560,32 KM,
- izgradnja i rekonstrukcija šumskog puta "Spahin Han - Vladajevići" dužine 0,50 km u iznosu od 50.000,00 KM, realizovana i plaćeno 50.000,00 KM,
- izgradnja i rekonstrukcija šumskog puta "MZ "Kamenica", dionica do spomen obilježja" dužine 0,60 km u iznosu od 70.000,00 KM, realizovana i plaćeno 60.479,64 KM,
- rekonstrukcija šumskog puta za "Malinovicu" dužine 1,12 km u iznosu od 110.000,00 KM, realizovana i plaćeno 100.530,14 KM,
- izgradnja i rekonstrukcija šumskog puta "Srednje - Šići", dionica Sokolina skretanje za Ravne" dužine 2,10 km u iznosu od 370.000,00 KM, realizovana i plaćeno 354.308,86 KM.

Ukupan iznos za puteve na području Općine Ilijaš po projektima iznosi 1.200.000,00 KM, a plaćeno je po privremenim i konačnim situacijama 1.000.060,72 KM.

Plaćanje je izvršeno po privremenim i konačnim situacijama ovjerenim od strane nadzornog organa.

7. Zaključak

Obim bespravnih sječa na području općine Ilijaš je značajan kada je u pitanju nivo bespravnih sječa na teritoriji Kantona Sarajevo u posljednjih nekoliko godina. Jedan od ključnih razloga za ovakve okolnosti je i veoma teška ekonomsko-socijalna situacija u našem društvu.

Kada je u pitanju trenutna situacija u radu odjeljenja Sjever Uprave za šumarstvo Kantona Sarajevo, osim permanentne problematike, aktuelne su u prvom redu bespravne sječe četinaru u noćnim satima u pograničnom dijelu sa entitetom RS kao i sječa lišćara oko Ilijaša, a posebno uz kanjon rijeke Misoče koja je vodozaštitna zona. Osim bespravnih sječa uz kanjon rijeke Misoče je izražen problem odlaganja raznog otpada i formiranje divljih deponija, zatim odlaganje uginulih životinja kao i paljenje automobilskih guma.

Uvažavajući navedeno svi segmenti društva moraju poduzeti aktivnije učešće u zaštiti šumskih ekosistema na području općine Ilijaš i Kantona Sarajevo. Samo koordinirana aktivnostima svih nadležnih institucija, shodno svojim ovlaštenjima, možemo postići značajne rezultate na smanjenju i ukidanju svih bespravnih radnji u oblasti šumarstva. Kao dobar primjer sinergije u radu i efikasne koordinacije potrebno je istaći uporan angažman svih nadležnih institucija na suzbijanju nelegalnih reznih jedinica na području općine Ilijaš. U skladu sa svojim nadležnostima i u duhu dobre međusobne saradnje svih nadležnih komponenti društva mogu se postići odgovarajući rezultati na suzbijanju svih bespravnih aktivnosti u šumarstvu.

Prilozi: Tabele broj: 1,2,3.

Evidentirane bespravne sječe na području općine Ilijaš u periodu 01.01-31.12.2018. godine

Tabela br. 1

	Evidentirane bespravne sječe		
	Četinari m ³	Lišćari m ³	Ukupno m ³
Državne	445	315	760
Privatne	523	269	792
Ukupno	968	584	1.552

Pregled prijava na području općine Ilijaš u periodu 01.01-31.12.2018. godine

Tabela br. 2

	Krivične		Prekršajne		Ukupno		Ukupno izuzeta drvena masa
	broj	m ³	broj	m ³	broj	m ³	m ³
Državne	1	31,00	32	49,00	33	80,00	
Privatne			40	575,00	40	575,00	
Ukupno	1	31,00	72	624,00	73	655,00	143,00

Pregled projekata po "Programom utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2018. godini" na području općine Ilijaš

Tabela br.3

Vrsta radova	Broj projekata	Površina ha	Dužina km	Vrijednost KM
<u>Šumsko-uzgojni radovi</u>				
1. Pošumljavanje sa pripremom terena	1	0,35		1.794,82
2. Čišćenje, popunjavanje i okopavanje kultura	3	8,04		33.699,04
3. Čišćenje kultura	1	2,59		5.859,23
4. Prorede u kulturama	1	0,94		17.945,00
Ukupno	6	11,92		59.298,09
Rekonstrukcija, sanacija i asfaltiranje puteva	3		4,60	720.000,00
Ukupno	3		4,60	720.000,00
SVEUKUPNO	9	11,92	4,60	779.298,09

Napomena: Obzirom da projekti rekonstrukcije, sanacije i asfaltiranja predviđenih puteva nisu okončani u 2018. godini za njih su sačinjeni anexi ugovora za 2019. godinu.



Općinski sud u Sarajevu,

Broj : 065-0-REg-13-001306 od 30.04.2013.g.

PDV broj: 200830080001

Žiro račun: 1020500000111354 Union bank d.d. Sarajevo

1610000036720040 Raiffeisen bank Sarajevo


Vrsta dok.	Izdavač	RB	Strana
	0103		1 od 3

Broj: 0103-749-2/19

Dana: 12.04.2019.godine.

Bosna i Hercegovina
 Federacija Bosne i Hercegovine
 Kanton Sarajevo
 Općina Ilijaš
 -Općinsko vijeće-

Bosna i Hercegovina
 Federacija Bosne i Hercegovine
 Kanton Sarajevo
 Općina Ilijaš



Predmet: Informacija o aktivnostima KJP "Sarajevo-šume" na području opštine Ilijaš – dostavlja se -

Na osnovu dopisa broj: 04/1-24-sl/19 od 13.03.2019. godine, dostavljamo Vam tražene podatke koji se odnose na aktivnosti KJP „Sarajevo-šume“ d.o.o. Sarajevo na području Opštine Ilijaš.

S poštovanjem!



Demićević Nermin, dipl.ing.šum.

- Dostavljeno:
- ☞ Naslovu
 - Direktor
 - Služba plana i analize
 - Arhiva





Općinski sud u Sarajevu,
 Broj : 065-0-REg-13-001306 od 30.04.2013.g.
 PDV broj: 200830090001
 Žiro račun: 1020500000111354 Union bank d.d. Sarajevo
 1610000036720040 Raiffeisen bank Sarajevo

Vrsta dok.	Izdavač	RB	Strana
	0103		2 od 3

1. Realizovana drvna masa

- U toku 2018.godine na nivou KJP "Sarajevo-šume"d.o.o. Sarajevo, planirana je proizvodnja i realizacija u količini od 145.661 m³ neto mase drveta četinarara i lišćara, i to 83.861 m³ četinarara i 61.800 m³ lišćara;
- U protekloj godini posječena je količina od 141.583 m³, od čega četinarara 85.689 m³ i lišćara 55.894 m³ neto drvne mase;
- Na području opštine Ilijaš (ŠGP "Gornjebosansko" i VŠP "Bistričko" dio) planirana je sječa 62.127 m³ neto drvnih sortimenata i to 47. 013 m³ četinarara i 15.114 m³ lišćara;
- Na području opštine Ilijaš u 2018. godini realizovano je 55.479 m³ neto drvnih drvnih sortimenata četinarara i lišćara.

2. Broj radne snage i plate uposlenika

- Broj uposlenika u 2018. godini u preduzeću KJP "Sarajevo-šume" d.o.o. Sarajevo bio je 418 radnika, od toga 340 radnika na neodređeno radno vrijeme i 78 radnika na određeno radno vrijeme;
- Sa područja opštine Ilijaš u KJP "Sarajevo"d.o.o. Sarajevo je uposleno 150 radnika, 108 na neodređeno radno vrijeme i 42 na određeno radno vrijeme;
- Za 2018. godinu isplaćene su sve plate, odnosno dvanaest plata;
- Prosječna neto plata u 2018. godini je iznosila 975 KM;
- Redovno se uplaćuju doprinosi na plate.

3. Ulaganje u šumsku infrastrukturu

- Na području opštine Ilijaš u 2018. godini, vršeno je redovno održavanje puteva, kao što je čišćenje snijega, sanacija i popravka puteva i vlaka, izgradnja vlaka i zatezanje tehnološkog puta, te je za navedene radove utrošeno 112.825 KM.
- Završeni su radovi na projektu rekonstrukcije i sanacije puta Sokolina-Ozren-Karaula, na području opštine Ilijaš, a koji je finansiran od strane Kantonalne uprave za šumarstvo Sarajevo u iznosu od 118.595,64 KM.

4. Zakonsko izdvajanje za realizovanu drvenu masu u 2018. Godini

- Na osnovu člana 49. Zakona o šumama Kantona Sarajevo, obaveza koja se odnosi na naknadu o korištenju šuma bilo je planirana 235.515 KM, a na osnovu izvršenja u 2018. godini iznosi 240.946,65 KM. U 2018. i 2019. godini, a na osnovu sporazuma opštine Ilijaš i KJP "Sarajevo-šume" d.o.o. Sarajevo, za navedenu naknadu nastalu u prethodnim godinama ukupno je uplaćeno 507.618,83 KM.

5. Vizija poslovanja za naredni period

- U 2019. godini na nivou KJP "Sarajevo-šume"d.o.o. Sarajevo planirana je proizvodnja od 142.819 m³ neto mase drvnih sortimenata četinarara i lišćara, od čega na četinare otpada 83.070 m³, a lišćare 59.749 m³, što u krupnom drvetu iznosi 172.267 m³ krupne drvne mase i to 101.744 m³ četinarara i 70.523 m³ lišćara;
- Planirani prihod od šumskih drvnih sortimenata u 2019. godini iznosi 13.691.445 KM;
- Na području opštine Ilijaš planirana je proizvodnja i realizacija u količini 57.157 m³ neto drvnih sortimenata, i to 48.213 m³ četinarara i 8.944 m³ lišćara;
- Planirana naknada za korištenje šuma za opštinu Ilijaš očekuje se u 2019. godini u iznosu od 232.350 KM, a realizacija je direktno vezana za ostvareno izvršenje;
- U 2019. godini za biološke investicije na ŠGP "Gornjebosansko", iz vlastitih sredstava planirano je 179.590 KM. Ovaj iznos je planiran za sljedeće radove: pošumljavanje sa pripremom, njega kultura i njega šuma, ukupne površine 114,44 ha.
- U sklopu ostalih bioloških investicija planirana su sredstva u iznosu od 889.400 KM, i to za





Općinski sud u Sarajevu,
 Broj : 065-0-REg-13-001306 od 30.04.2013.g.
 PDV broj: 200630090001
 Žiro račun: 1020500000111354 Union bank d.d. Sarajevo
 1610000036720040 Raiffeisen bank Sarajevo

Vrsta dok.	Izdavač	RB	Strana
	0103		3 od 3

kontrolu brojnosti populacije potkornjaka, zaštita šuma od požara, izgradnja i rekonstrukcija šumskih kamionskih puteva i vlaka, doznaka i projektovanje, nabavka sredstava i opreme za šumsko-uzgojne radove.

- Na području opštine Ilijaš u 2019. godini iz sredstava OKFŠ-a planirani su šumsko-uzgojni radovi, te su projekti za izvođenje izrađeni i dostavljeni Kantonalnoj upravi na razmatranje i odobravanje, kao i projekti za izgradnju i rekonstrukciju puteva.

6. Problematika rada KJP "Sarajevo-šume"d.o.o. Sarajevo u segmentima u kojima bi opštinsko vijeće i opštinski načelnik mogli pomoći u narednom periodu

- U međusobnim odnosima KJP "Sarajevo-šume" i opština Ilijaš, trebaju nastaviti saradnju, te poštivajući zakonske propise rješavati eventualne probleme na obostrano zadovoljstvo. Zakonom o šumama Kantona Sarajevo u članu 3, stav 11 je precizno definisano da je KJP „Sarajevo-šume“ d.o.o. Sarajevo korisnik šuma, što govori da je vlasnik šuma Federacija BiH, tako da rješavanje nekih pitanja nije u nadležnosti KJP „Sarajevo-šuma“, te da samo gospodare ovim prirodnim resursom, a o vlasničkim odnosima može da odlučuje samo vlasnik šuma;
- Prilikom izrade Godišnjih planova realizacije šumsko-privredne osnove, potrebno je da nam opština, na zahtjev Kantonalne uprave za šumarstvo dostavi mišljenje u zakonskom roku, a imajući u vidu da se navedeni planovi izrađuju u skladu sa važećom šumsko-privrednom osnovom;
- Kao Kantonalno javno preduzeće za gospodarenje ovim važnim prirodnim resursom želimo doprinijeti boljem kvalitetu života građana opštine Ilijaš. Oprijedljenost za gospodarenje šumama i šumskim zemljištem na održiv način se ogleda i u činjenici da smo posjedujemo međunarodno priznati FSC certifikat na čitavom području. Posjedovanje navedenog certifikata podrazumijeva ekološki odgovorno, društveno korisno i ekonomski održivo gospodarenje šumama;
- Kroz zajedničke aktivnosti treba iznaći najbolje rješenje oko snabdijevanja lokalnog stanovništva ogrjevnim drvetom;
- Navedena Informacija o aktivnostima Preduzeća KJP "Sarajevo-šume" d.o.o Sarajevo predstavlja samo obavijest o planiranim i provedenim aktivnostima na području Vaše opštine u 2018. godini, obavještajnog je karaktera i ne zahtijeva izjašnjenje.

